

三才圖會

三才圖會

雲間元翰父王圻纂集

男思義校正

地理八卷

泰山圖

靈巖圖

關里形勝總圖

孔林圖

瑯琊山圖

大崑崙山圖

太白樓圖

管山圖

鑒巫閭山圖

十三山圖

蓬萊山圖

五臺山圖

恒山圖

白登圖

雁門關圖

單于臺圖

首陽山圖

代王城圖

禹門圖

砥柱山圖

關中圖

終南山圖

驪山圖

太白山圖

武功山圖

輞川別業圖

華山圖

磻溪圖

金牛峽圖

崆峒山圖

仇池山圖

崑崙山圖

軒轅臺圖


三才圖會

地理八卷

二

泰山圖





按泰山在山東濟南府泰安州五嶽之東嶽也博物志云泰山一曰天孫言爲天帝孫也主召魂東方萬物始成故知人生命之長短五經通義云一曰岱宗言王者受命易姓報功告成必於岱宗也東方萬物始交代之處宗長也言爲群嶽之長白虎通云王者受命必封禪封者增高也禪者廣厚也皆刻石紀號著已之功績以自效也天以高爲尊地以厚爲德故增泰山之高以示報天禪梁甫之趾以示報地漢官儀及泰山紀云盤道屈曲而上凡五十餘盤自下至古封禪處凡四十里出太安可二里所卽入山

自是皆詰曲逶迤而上峯勢截薛若相噬而傍多溪澗泉  
流礪礪間作悲鳴與笳吹相應久之至迴馬嶺又四里抵  
御障巖一曰御仗宋永定陵東封止仗衛處其前爲巨澗  
澗底白石砥平如玉色而巖陟上廟其巔頗寬又行可三  
里抵黃現黃現者不知其所繇名有松五卽所謂五大夫  
者也以厄於石不能茂而稍具虬虺狀又上里許爲百丈  
崖崖凹深如屋傍有石洞槎口而下黑其窅叵測已度石  
壁峪爲十八盤者三而穿中竇曰天門行可里許爲元君  
祠元君者不知其所由始或曰卽華山玉女也天下之祝




釐祈福者趣焉祠宇頗瑰偉後一石三尺許刻李斯篆二  
行一石池縱廣及深俱二尺許亦曰玉女洗頭盆也自是  
左折而上里許曰嶽帝祠陋不能勝香火其後峭壁造天  
左爲開元帝紀太山銘唐隸徑可二寸而羸勢若飛動左  
爲蕪題東封頌字形頗秀媚尚可辨又有顏魯公題名自  
是益北上數百武爲絕頂曰玉皇祠祠之前有石柱方而  
色黃可丈許所謂秦皇無字碑也其石非山所有或曰中  
有碑石冒之復折而東稍下百步復上百步石室冠之高  
如玉皇祠中有釐色石蓋方丈瑩潤可鑑云漢武帝所藏

金泥玉檢地傳云白雲起封中者是已其前地稍闢卽所稱日觀秦觀越觀諸峯者蓋五鼓而起觀日出則爲日觀西望而見秦則爲秦觀南望而爲越觀天霽日盆弄色其東南盡目力微白而晃漾者則爲海直北而西隱隱一抹蒼碧若長城之堞者則爲太行恒崧至稍遠而淄澠濟泗千流疊帶近而諸山皆若培塿俄而諸山各出白雲一縷若冢中起稍上大如席几數百道則狂馳而遇輒合其起無盡其狂馳而遇亦如之頃刻遂徧成白玉地而仰視則空青瑩然上下異色所謂野馬網緼信也

靈巖圖

三十四





循岱之陰至靈巖沿澗入夾道皆土檀脫膚而虬節入山  
門紅鶴滿林爲開山師法定雙鶴之瑞定師佛圖澄子石  
趙間剏寺無泉則見雙鶴棲山麓遂卓錫而視鶴立與錫  
卓處咸湧二池爲雙鶴卓錫二泉殿製三層二十八角中  
須彌南觀音北藥師東釋迦西阿彌各以其方鎮之爲寺  
正殿殿右一古柏不知種於何年折柏西有石竇于地下  
門扃不開爲魯班洞北數十武浮圖高十三級下與洞通  
爲辟支塔繇龍藏折而北過千佛閣片鐵高七尺作水田  
狀或古佛所遺衣身也爲鐵架娑香積厨東石龜高六尺

空其中以盛甘露泉脉近塞而龜遂裂好事者引別流以存故實爲甘露亭又北攝而上後倚獅子巖前對雞鳴山鐵嶂正方如削下藏一洞洞下標一亭環四山而立夕陽之景收一寺盡矣爲抱靈亭遠望東巖縹緲有石如人立爲朗公山寺碑不下數百惟蔡卞書大碑一幅橫經四片爲佳刻寺南一山有穴穿見南天乍視之如明星爛然冬日之午正與寺對爲通明竅


關里形勝總圖








# 孔林圖






魯曲阜城殷殷猶存平岡周可二十里今城其西南隅也  
舊城南爲今麗譙北則倚孔林周文憲王廟峙城東北趾  
特隆起或謂舊當城心爲魯象魏抑然也孔廟直闕闕中  
高垣豐廈廊廡翼翼金鋪作闕碣石爲基不下王者宮大  
成殿塑聖賢像以次袞冕坐殿前爲杏壇殿陛至門檜柏  
多漢唐植種種奇貌其倚門左紋左紐子立者爲手植檜  
高不踰簷枯無寸幹爪之青理生意蟄焉前朝乃經兩度  
榮良異也門內外桓碑最古者一首紐製一尖製爲蔡中  
郎陳思王書左片石書五鳳二年六月四日成字爲西漢

人筆跡出廟門東爲衍聖公弘復宅次顏廟貌亞之博士  
君迂于中達與登樂亭觀顏井廟前爲陋巷遺趾次出城  
一廟荒落獸神路檜柏佳行其下翠色欲滴衣袂者千步  
爲祀周文公處次西五里入林門內一枯楂立五十尺未  
什爲子貢楷路斜百餘武封高隱車爲文宣王墓前爲沂  
國公伋墓三墓皆東南向對防山而豐碑南向立林園十  
里樹萬種不能盡識然無棘茨無鳥獸聲後宸泗水前拱  
洙流是爲孔家林問閼宮靈光則已蕪沒久矣林外崇墉  
如兩觀起者是爲魯北舊城云

瑯琊山圖

三才圖會

卷之八



琅邪山在諸城縣東南一百五十里東枕大海齊景公欲  
遵海而南放于琅邪卽此

大崑崙山圖



大崑崙山在登州府寧海州東南四十里與小崑崙連秀  
拔爲群山之冠上有太白頂中有烟霞洞本名姑蘓山仙  
經云麻姑嘗於此修道上昇餘跡尚存故名姑餘後世訛  
名崑崙元史云崑崙山丘處機與馬鈺譚處端劉處玄王  
處一郝大通孫不二同師重霞王真人於此

烟霞洞在大崑崙山金大定間有重陽王真人自關西抵  
崑崙謂山前大姓于氏曰我嘗修煉此山烟霞洞中盍往  
登焉于笑曰我世居此不聞有洞乃相與求之果有洞洞  
口有烟霞二字太多神異乃爲立祠紀石焉



太白樓圖



太白樓在濟寧州城濟汶環遶沃野漫衍帆檣上下樓閣  
掩映頗稱登眺昔賀知章爲令時李白過之飲酒於此故  
名當時碑刻俱存元著作郎陳儼重修李白酒樓記其末  
有歌


勞山圖



勞山在萊州府卽墨縣東南六十里海濱山有二其一高大曰大勞其一差小曰小勞齊記泰山雖言大不如東海勞逢萌歸自遼東養志修道於此




醫巫閭山在廣寧衛西五里舜封十有二山以此山爲幽  
州之鎮因是遂爲北鎮其山掩抱六里故又名六山上有  
桃花洞其中可容五六人又有聖水盆三其水自懸巖下  
瀉雖冬不冰又有仙人巖飛瀑巖山下有北鎮廟廟內有  
呂公巖上有北嶽行宮箕子祠



十三山在廣寧右屯衛北三十里山下有洞山上有池五代史胡嶠北行記東行過一山名十三山云此西南去幽燕二千里又遼史燕王淳討武朝彥至乾州十三山卽此峯巒螺列大小相錯出山海關卽望見之凝嵐積翠於大荒中若遠若近宛若圖畫海上一奇觀也




蓬萊山



蓬萊山一名蓬丘山一名雲萊在東海中高一千里地方  
三千里上有金臺玉闕乃神仙之都上帝遊息之地海水  
正黑而爲溟渤無風而波浪萬丈不可往來惟飛仙間有  
能到者昔禹治洪水旣畢乘輜車度弱水而到此山祠上  
帝於北阿歸大功於九天又禹經諸五岳使工刻石識其  
里數高下其字科斗書非漢人所可曉今丈尺里數皆禹  
時書

五臺山圖





五臺山在山西太原府五臺縣東北一百四十里環五百餘里山有五峯高出雲表頂皆積土故爲之臺佛經云北方有文殊師利所居之地曰清涼山卽此也山中圓光不時呈現亦時有金蓮鉢囊熱綿花之瑞柳宗元曰雲代間有靈山焉與竺乾鷲嶺角立相應

中臺高四十里頂平廣周六里頂西北有太華池取水禱雨輒應正東左畔去臺五里有雨花池前三十里有飯仙峰中臺案也東南有鷲峯西則有甘露池

東臺高三十八里頂平廣周三里頂東畔有那羅延洞僅

容人身側入洞中風寒盛夏有冰五色光彩嘗從內出又東有樓觀谷內有習觀巖西北去臺十五里有華巖嶺仙人洞東南嶺畔二十里有明月池人傳以紗帛障目下觀或見月在水中西南有清峯一名大羅頂南連望聖臺臺下有東谷池西南石上有羅侯顯跡又有善才菴又東去臺有溫湯池溫泉寺

西臺高三十五里頂平廣周二里頂上有魏文帝人馬跡北有秘魔巖洞天陰中有聲如風西嶺畔有薩搖崖損身崖去臺西北有八功德水東北下有文殊洗鉢池

南臺高三十七里頂平廣周二里南去七十里麓畔有聖  
僧巖又名滴水巖西南二十里西崖畔有三賢巖又名七  
佛菴東三十里交口下有聖鍾山狀如覆鍾西北十五里  
有清涼嶺嶺西北有清涼泉上有羅漢洞東北竹嶺東南  
十里有金閣嶺

北臺高三十八里頂平廣周三里名掖斗峯頂南畔有羅  
侯臺臺頂有黑龍池卽天井南下二十里有白水池與天  
井連其水經繁峙縣殺谷口入滹沱其麓有七佛池南又  
有飲牛池東北有寶陀峯又名寶山產銀石碌又產天花

萊東北二臺麓有金剛窟又名金剛洞去二臺各二十里  
昔佛陀波利入此不出



名山圖

澤源城





按恒山五嶽之北嶽也在山西大同府渾源州周官并州其鎮山曰恒山風俗通曰恒常也萬物伏北方有常亦謂之常山高三千九百丈七尺上方三十里周迴三千里有太玄之泉神草十九種服之可度世管子云其山北臨代南俯趙東接河海之間早生而晚殺五穀之所蕃熟四種五穫焉後魏書云道武立廟於其上置侍祀九十人歲時祈禱水旱至文成帝東巡親禮其神焉

又

北嶽在渾源州之南爲舜北巡狩之所恣生于天縱盤于

地其胸邊高雲其巔經赤日循坡東迤嶺北而上是多珍  
花靈草恣態不類姚芳李葩映戴左右山半俯窺高如綠  
虛歷空上七里是爲虎風口其間多橫松強柏狀如飛龍  
怒虬葉皆四衍登頻三里始至嶽廟之上上有飛石窟兩  
崖壁立豁然中虛相傳飛于曲陽縣今尚有石突峙故歷  
代怯升登就祠于曲陽以爲亦嶽靈所寓也又數十步許  
爲聚仙臺臺上有石坪東則漁陽上谷西則大同以南奔  
峯來趨北盡渾源雲中之景南目五臺隱隱在三百里外  
而翠屏五峯畫錦封龍諸山皆俛首伏脊于其下

白登圖



白登在陽和城南三十里坡陀漫衍沙草荒翳有廢壘焉  
居人數十家如蜂房蟻垤史記漢高帝自將討韓王信居  
晉陽聞冒頓單于居代谷悉兵三十萬北逐之至平城兵  
未齊冒頓縱精兵四十萬圍帝於白登七日用陳平秘計  
乃得解圍去卽此地也

鳳門關

三才圖會

地理八卷


廿四



鴈門關在山西代州鴈門山因山以立凡山西之關四十  
有餘皆踞隘保固而聳拔雄壯則鴈門爲最故趙之李牧  
漢之郅都備邊於此匈奴不敢近塞固皆一時良將而不  
可謂非地險以成之也出代州北行皆登陟盤繞之路溪  
水潺潺其民皆依山居高下置屋圖不可盡午上關折西  
躡高嶺絕頂四望則繁峙五臺聳其東寧武諸山帶其西  
王陽石鼓挺其南朔州馬邑臨邊之地在其北長坡峻阪  
茫然無際又見魏旌高旗飄飄雉堞之上寒林古塞依依  
斜陽之下頗動黃沙紫塞之思



單于臺圖



單于臺在今大同府邊外故榆林縣地漢武帝行過雲中  
勒兵十八萬登臺使人約匈奴與戰匈奴逃避不敢至






首陽山在蒲州南四十五里爲伯夷叔齊隱處至山下謁  
二賢祠門之外有古柏二其一大二十圍高三丈許形狀  
殊怪其次圍殺三之一二根相距數尺而幹上交若兄弟  
之相倚者傳爲二賢手植殆未必然其亦千年物歟祠之  
像爲宋元祐中所塑其前復塑一白鹿道士云二賢食薇  
兼飲鹿乳故塑之此說不見傳記人鮮有知者祠下有歷  
代石刻其最舊者唐開元十三年葉昇卿碑也祠之右卽  
二賢葬處高墳竝峙上多古柏直墳之前爲屋中豎山谷  
老人碑及刻首陽山古賢人墓六大字先儒謂首陽卽古

之雷首也禹貢曰壺口雷首至於大嶽蔡仲壘云雷首在蒲坂縣南蒲坂卽今之蒲州蓋州之山無所謂雷首者今首陽北數里有中條山州志謂此卽雷首曰中條者以其界河曲之間延綿不絕故名又謂中條之下有水曰雷澤卽舜所漁之地此又可見中條之爲雷首矣若雷首之獨稱首山猶大華而曰華山匡廬而曰廬山此自昔皆然不可謂首山爲汎名也

代王城圖



代王城在蔚州城東二十里遺墟故址尚存甚巨成湯時  
所封代子之國也或誤以爲漢文帝之遺非是按史記趙  
無恤之姊爲代子夫人無恤欲滅代乃與代子好會於夏  
屋山爲銅斗而長其柄使宰獻炙魚因柄擊代子殺之遣  
人召其姊夫人聞代子死乃慟哭磨笄自刺而死今其地  
有磨笄山俗稱馬頭山




禹門

三才圖會

地理八卷

十九





禹門禹貢龍門也亦曰禹門渡云兩山石立河出其中廣  
百步世謂禹鑿所謂三月魚上渡而爲龍也其東岸曰看  
鶴臺尤孤峭不可下瞰西爲梁山卽河梁也北曰建極宮  
道家祠神禹者也刻石十餘多元名臣文地極幽其間烟  
雲水石之聚蛭蛇罔象之居相傳桃花開時河水噴激聲  
震萬雷殆異今也竝河之東爲太史公墓前爲廟有晉永  
嘉中殷濟樹碑今皆圯於河下山過子夏墓墓在新豐里  
新豐南曰通化里卽文中子講學處也又有東臯子黃頰  
山詩東臯子文中子弟也名續字無功以琴酒自娛隱黃

三才圖會  
類聚卷之八  
頽山題是詩山壁詩極末非唐以來人語宋熙寧初學公  
壽始訪其地刻石縣學因載所游其石陰附以龍門之歌  
龍門今天開河水今天來我思古人今何在哉

砥柱圖

三才圖會

地理人卷

卅一





砥柱在邠州東五十里黃河中以其形似柱故名禹貢謂導河東至於砥柱卽此往游砥柱循河而行至三門集津三門者中曰神門南曰鬼門北曰人門其始特一巨石而平如砥想昔河水汎濫禹鑿之爲三令水行其間聲激如雷而鬼門尤爲險惡舟筏一人鮮得脫者名之曰鬼宜矣三門之廣約二十丈其東百五十步卽砥柱崇約三丈周數丈相傳上有唐太宗碑銘今不存蔡氏書傳以三門爲砥柱州志亦謂砥柱卽三門山皆未嘗親履其地故謬誤若此又按隋書載大業七年砥柱山崩壅河逆流數十里

砥柱今屹然中流上無土木而河之廣僅如三門奚有崩  
摧而壅河逆流至數十里之遠蓋距河兩岸皆山意者當  
時或崩人遂以爲砥柱而史氏書之也孟子云盡信書不  
如無書有以哉



關中





夫秦四塞之礦也雖偏鎮于西隅而國之形勢實爲天下  
雄固帝霸之業也若夫盤五而秀于南者則中南太乙馬  
隆隆乎陰于西極而東望潼關者則華嶽焉東注咸陽則  
澧水之所導也其境有蘭池阿房之宮咸陽之南周之鎬  
京也茫茫四陵南北相望秦宮所營澧其鬱焉豈惟涇水  
之望陵哉西北臨乎幽國而奕奕者其梁山也網緼而蒼  
蒼內有離宮別館昆明西陂輦道紆曲而相屬者秦之上  
林也鬱然起于鄠之東南者有紫閣峯焉其周之靈臺廢  
也八矣橫畫乎藍田者有秦嶺焉霸水之所出嶢閣之所

鎮也截于西域而嫖姚之所開者其玉門之關乎環于漢陽而微茫者其鳥鼠乎限于北漠之陁匈奴倚垣而窺者此秦之長城紫塞也紆蔽乎朔方而胡笳戰馬之所集者其賀蘭之山乎聲下龍門景入太華而浩蕩者黃河也而瀑布之潏潏者則太白馬荆山峙于河則大禹鑄鼎之墟也若夫太液曲江之池樂游細柳之原驪山之溫泉新豐之粉社隴山之九坂長安之章臺又有博望西郊芙蓉未央長樂建章甘泉之宮不可勝數其近而羅列者皆鍾秀于雍州其遠而環帶者皆隱耀於關中也

終南山





終南山在西安府城南出城行三十里經樊川漢將樊噲嘗食邑於此在唐爲常安石別業又名常曲岡巒迴繞松竹森映而水田蔬圃連絡乎其間秦中一勝地也岡之上登牛頭寺寺舊有唐貞元中徐士龍撰徧照禪師碑今不存所存者仙人丘長春詩刻離牛頭南行四十里至南終山入普光寺在山之麓道益峻險躡亂石冒懸崖屈曲而上西有日月巖下刻石篆書松泉二大字又上至抱子巖紅玉泉洞又有八仙洞在山之西壁限以流泉非跣足不得入又上有石巖若老嫗憑巖而休左有圓石明可鑒物

謂之石鏡其上則徵源池也池一名太一湫其上環以群  
山雄偉秀特勢逼霄漢水廣可數丈深丈許錦鱗浮游人  
莫敢觸鱗之大有三二尺者自昔禱雨咸在於是其南卽  
太一殿殿左有三官雷神二洞所謂金華洞者在山之最  
高處洞有積水然不能至也又從別道至興教寺內有三  
塔其中塔特高大爲唐三藏法師玄奘瘞身之所左爲慈  
恩基公塔右則大周圓測法師塔俱有銘寺之北舊有玉  
峯軒宋元豐四年知永興軍呂大防建今廢惟長安今陳  
三才圖會石鏡記石僅存



驢山圖



驪山在西安府臨潼縣縣南半里卽抵其麓經雷神殿東折門有綽楔榜曰溫泉池過北有室三楹啓其扇卽溫泉也人呼爲官池蓋非貴人不得浴此池四周甃石如玉環狀中一小石上鑿七竅泉由是出相傳甃石起秦始皇其後漢武帝復加修飾官池之左有泉曰混池以浴小民東行卽華清宮故址上有三清殿前臥一巨鍾視其款乃華清物又有三碑右爲後魏溫泉頗惜多剝落左刻金尚元龍草字其陰刻劉子顯成道記子顯山中道士宋仁宗朝嘗見賜號凝真太師三清殿後爲玉皇殿面三清者七星

殿也南上十五步爲玉女閣下有方池卽溫泉發源處飲之可以已疾每秋暮人取未熟柿投其中經宿食之不澁其石爲玉女洗頭池沐髮者多去瘡蝨山之半平坡朝元閣舊建於此山左肩曰東繡嶺右肩曰西繡嶺當時林木花卉之盛類錦繡然故名閣與華清之廢皆不知何時其易爲道士之居則後晉天福中也又上二里爲老君殿舊云天寶七年十月老君見於朝元閣南玄宗於其處立降聖觀琢白玉石爲像今尚存殿壁繪唐臣之像殆當時人筆其西南有泉名飲鹿槽今涸又上二里爲老母殿老母

卽唐李筌所從受陰符者山之巔舊有烽火樓昔周幽王欲媚褒姒舉烽火以來諸侯之處東行八里折而南二里至秦始皇陵陵內城周五里舊有門四外城周十二里其址俱存自南登之二丘竝峙人曰此南門也右門石樞猶露土中陵高可四丈昔項羽黃巢皆嘗發之老人云始皇葬山之中此特其虛塚其言當必有所授也

太白山圖



太白山在西安府郿縣城東南四十里鍾西方金宿之秀  
關中諸山莫高于此其山巔高寒不生草木上有鐵鑄山  
神牌三曰大阿福二阿福三阿福有湫池雖三伏亦凝水  
蓋山巔常有積雪不消盛夏視之猶爛然故以太白名關  
中遇旱則登山取湫然山旣高寒冰雪常凝身弱衣薄登  
山者多死俗傳以爲太白神能畱人非也麓有鬼谷卽鬼  
谷子授蘓秦押闔術處


武功山圖



三才圖會

地理八卷

廿





武功山在西安府武功縣西百二十里郡志云晉有武氏者夫婦各擇棲鍊所夫居茲山婦止西昌之武岡同日賓仙故稱茲山爲武公而呼武岡爲武姥云山行至楓木凹卽武功東界也迤至北斗七星岡峭徑紆折高下循溪往水瀧瀧激石鳴抵平湛靜迄下行有所觸輒復作響千巖萬巘或峻矗入雲如筆豎笋攢或壁嶂排巔如植碑倚屏或倒崖作磬折狀或傑竦如弁冕執圭爲敬者又如龍鳳軒舉如虎豹躩且踞如飛走器物靡所殫述自山麓行叢林蒙翳瀑布鳴鳥在上自山半行空處翠濕衣泉瀑鳥聲

皆歸履舄下時有偃樹橫澗以濟人而根葉具存時有石枕流如天生橋方竹龍草仙茅靈藥所在有之自楓木凹四十五灣約十五里許至迎仙橋橋北爲圖坪菴一名小桃源有二杏樹逼簷對峙各大丈餘東花西實至明年花實易向矣此植物所無也山有五菴箕峯在圖坪南集雲行宮二菴在圖坪東北其西則九龍也因所通道置以憇謁者又十五里葛仙壇而張許二仙翼列者不知其由也謁者以壇爲頂聞白鶴峯猶高雲雨皆出其下白鶴仙居之武功水發源其顛瀕瀕噴沫如芙蓉渠發榮間人語則愈

盆溢出其爲行者所循溪皆其委也相傳爲葛仙煉丹池  
西北有雷崖衍洞嵌可容數百人路險絕遊者必組掖而  
升然人或棄之卽迅雷霹靂故名雷崖上有數十洞恍惚  
有人居其中可望而不可卽蓋爲葛仙藏書處又其阻有  
齊雲山山有寺徑亦澁惟獵者時入焉荒基敗礎平疇帶  
溪沃田數千畝溝塍宛然皆柞栲充布亦避亂全生之區  
也

朝川圖

三才圖會


地理八卷

四



輞川別業在西安府藍田縣西南輞谷唐王維置別業於此其遊止有孟城坳華子岡茱萸泝辛夷塢木蘭柴等二十景與裴迪閑暇各賦以詩云

# 華山圖



南峰

東峰

巨靈掌

少華三峯

白雲峰

陶王邊

新標悉

石月崖

梅耳岩

千人橋

回石橋



按華山五嶽之西嶽也在周官豫州其鎮山曰華山華山記云頂有池生千葉蓮花服之羽化因曰華山出城南三峯在望插天寒碧映入脾肺七里至雲臺觀周武帝時焦道廣居雲臺峯築此延之又南行二里至玉泉院宋端拱中建以居希夷先生者也院後有塚至五里關往時避兵者就險壘石爲關額曰通天第一門行四里爲希夷峽山勢壁立澗水經其中滙作小池從石室榜下之如琴如筑鳴聲悅耳希夷盼骨於此或云卽張超臥仙坪也半壁有穴飛抱之又里許至杪羅坪遂至杪羅菴菴外東面石壁



可數十丈鳴瀑掛壁而下有坎兩兩直上可容足趾道士  
郭全銘曰此通上方峯指石鑿爲西玄門唐金仙公主修  
真於此駕鶴飛去白雲宮細辛坪在焉懸鐵鎖而上不似  
三峯時通人跡北望山頭有石如柱爲繫馬峯西望西山  
桃花盛開不知絕壁何緣着種或云風吹花片粘之輒生  
花雅淡不似人間穠豔花間似有物去來云山羊善走險  
棲嶽寄中南有回峯青柯所從之路也四山高起奇秀滿  
前應接不暇間寥中泉聲更自清迴每望前峯已如路絕  
旣又踰馬至十八盤山最陡者十有八折乃得上故名盤

盡峯回忽見垣屋鱗鱗綴前巘則青柯坪至矣地勢愈高  
天然之景爭獻秀爽視杪羅又過之遙見泉掛山腰如練  
此水簾洞也直下三千尺自蓮花峯來度石橋從左徑上  
可里許有回心石從此上千尺撞遊人見險心悸率退轉  
是名回心至千尺撞下蓋絕壁壁裂裂之兩旁稍施斧鑿  
斷樹枝橫之以承足枝相離尺許凡千尺云西折上百尺  
峽峽似撞而裂在峽之內出峽登望仙臺方丈平石可佇  
立遠眺度二仙橋石梁跨壑草樹清幽過車箱崖崖如車  
箱人緣輪以行乃至老君離垢絕壁有坎如西玄余上之

如撞如峽而險更甚謂老君登華從此離却氣垢云過擦耳崖崖峭立躡處僅容足又下臨深壑復至一崖奇峭甚仰攀折全出石穴以上有鐵猿顰踞崖畔曰猢猻愁過此忽開朗則白雲峯也送至險際曰此閔王邊謂隣於鬼矣余攝衣以登了無所怖乃至日月崖謂兩崖高起日月出沒從山隙射之當是奇觀歷金天洞洞最宏敞又經三元洞洞似金天蒼龍嶺在其前嶺中起旁殺蛇槩入雲人從龍脊行危甚石平處暫得休伏視下方松頂若蓬藿在蒼烟中濤聲萬壑凝泛巨海剛風時時捲人衣覆回嶺可百

丈真能褫魄兩傍穴石施鐵柱有什有立郭云舊嘗有欄  
漢武帝登山御道也度嶺望見雙梅聳出空際曰此將軍  
樹矣自青柯以上無他樹樹多青松白楊山高風銳振撼  
無定枝幹盤曲獨此二松挺然離立有石曰上馬石者從  
者曰有風道人不知姓名遊行山頭一日天馬下之風道  
人就石跨馬行空而去石旁有老松倒挂若虬龍下雲端  
忽昂首攫拏至超雲山崖崖有宗土地祠謂華爲群山之  
宗也已頽圯有四仙菴爲譚紫霄馬丹陽劉海蟾丘長春  
修煉之所凡歷數險則玉女峯夫大石如龜殿立龜背壁

瓦皆鐵郭云陶瓦則山風能颺去之也前一圓坎水紺碧  
爲玉女洗頭盆又其前石裂裂可五尺以石投之食頃猶  
有聲或云下通黃河唐玄宗禱雨進簡於此刻龜腹爲石  
室舊有楊妓師事韓姑於此韓肉身猶在槁而不腐又南  
爲三清洞王道人結菴其右上東峯岡石斜削可數十丈  
稍鑿足跡無草樹枝蔓可攀躡從者手接而上之可達於  
嶺有三茅洞前爲小殿殿左有巖臨崖遠眺當東峯盡處  
東南北三面無他峯碍蔽道人指點中條首陽諸山疑隔  
數里黃河如綫則近縈山足美村落比比云此同州此蒲

州此某某千里之內可俯而視也忽雲生首陽英英欲起  
道人因言雲彌布峯巒卽數日下方不雨一流動則下方  
雨矣有時晴雲冉冉孤飛入谷忽已失之蓋歸雲也步前  
岡老君碁所碁石方徑五尺三十二子鐵爲之重不可舉  
與道人箕踞而語忽聞鼓聲頃之如雷余訝焉道人曰風  
入巖坎耳俄而東壁有隙光啓窓片月方起光上射巖端  
白雲纖潔如素錦臨崖端下望雲如飄棉飛絮平鋪萬里  
僅山尖上出循岡北行觀仙掌巖巖壁黑色石膏自壘中  
流出隨膏凝結黃白相間遠望之見其大者五岐如指後

人好奇遂謂巨靈擘山掌跡猶存右折觀新洞洞頗高廣  
猶未訖工同州馬君怡額之曰迎陽蓋華當少陰迎陽以  
妃合之令有生氣云又上之爲雷神洞復右折爲朝元洞  
洞之下有賀老避靜處穴石垂雙鑊而下之鑊盡乃板道  
以銅棧插之峻壁而板載之銅棧之上復綴壁以鑊攀之  
而行板道下背絕壁松林隨山麓起伏翠濤彌望賀所棲  
室馮于突崖煬竈猶在室傍有巖高十餘丈遙覆其室朱  
書全真巖三大字蓋還出石穴復經閭王邊西折以上爲  
避詔巖希夷表九重仙詔休教丹鳳銜來蓋此巖上覆如

屋惟狀與分寧之清水巖畧等西上爲嶽殿下有希夷睡  
經旬鍾離雲房過焉候其息以紙墨作黑白圈圖之授純  
陽子曰先天混沌譜也又下爲老君煉丹之所石爐徑丈  
餘高可六尺北行爲西峯石罅二尺直下相傳陳香子斧  
劈之畱有足跡或曰巨靈足也又北上爲西嶽大殿殿之  
北爲舍身崖之東稍折而下爲鎮嶽宮玉井在焉深可十  
丈圓徑半之記云池生千葉白蓮服之羽化又北上爲蓮  
花峯視諸峯不知更高幾許覺得身在太清中峯之下有  
石窪如臼凡二十有八上應列宿自南而北如貫珠水經



其中曰崖端挂下山腹水簾洞洩之道人爲余指點雲臺  
白雲白羊松檜朝來玉樹玉秀毛女諸峯張超石羊黃神  
藏馬諸谷歷歷詳說山骨立五千仞洞背琢成山坳山鏤  
有土乃有樹樹底多墮葉摧枝歲月朽腐無寸草石上生  
萬年松草類亦蘚類皆枯筮一雨還青記稱華山神林斧  
犯之輒逢虎狼豈然哉山自青柯以上樵者所不能到故  
棟梁之材干霄合抱皆得自全不獨樗櫟臃腫匠所棄也

磻溪圖



磻溪在鳳翔寶雞縣東南八十里卽周太公釣處石上有  
兩膝所著之跡其谷中石壁深邃林木修阻東南隅有石  
室蓋太公所居其水清冷神異北流注渭蘇軾有味磻溪  
詩夜入磻溪如入峽照人炬火落驚猿山頭孤月耿猶在  
石上寒波曉更喧又有咏石詩聞道磻溪石猶存渭水頭  
蒼崖如有跡大釣本無鉤

峻峒山圖

三才圖會


地理八卷

五千



崆峒山在平涼府西四十里上有問道宮黃帝問道于廣  
成子蓋在此山又山有玄鶴洞廣成洞香爐峯香爐峯一  
名香爐臺自香爐臺望倒挿石上巨下銳尤爲奇恠

仇池山圖



三十六圖

仇池山

路

仇池山在鞏昌府成縣西一百里寰宇記在成州上祿縣其山高峯萬仞自利州來其東西二門盤道可七里元和志載宋書氏胡傳云仇池方百頃四面斗絕高平地方二十餘里羊腸盤道三十六回山上有豐水泉煮土成鹽范曄後漢書河池方百里左右皆曰白馬氏

崑崙山圖

三才圖會

卷之八

五二





崑崙山在陝西肅州衛西南二百五十里南與甘州山連  
其巔峻極經夏積雪不消世呼雪山

金牛峽圖



金牛峽在漢中府寧羗州北五十里一名五丁峽秦惠王  
謀伐蜀患山隘險乃作五石牛每日置金于牛尾下詭言  
能糞金欲以遺蜀王王負力而貪乃令五丁力士開道引  
之秦因使張儀司馬錯引兵滅蜀宋胡曾詩山嶺千重擁  
蜀門成都別是一乾坤五丁不鑿金牛路秦惠何由得并  
吞

軒轅臺圖

三才圖會

地理八卷

五四



軒轅臺在今延慶州境內相傳黃帝擒蚩尤之處遺跡尚  
存邊人云胡騎過之皆遠引不敢近帝之威德真萬世而  
不磨者乎李白詩云燕山雪花大如席片片吹落軒轅臺  
卽此